

Protocol no. 92
Sezzüda da gövgia, als 06 marz 2014 20.00 - 23.15

Preschaints: Albert Mayer, Andri Poo, Men Caviezel, Dumeng Jann,
Marianne Werro-Lehmann e Marco Fallet (protocol)

Protocol

Il protocol no. 91 da la sezzüda da marcurdi, als 19 favrer 2014 vain approvà.

820 021 FABRICA
Società d'alp e chascharia Sent / implant da mundscher illa
stalla existenta da l'alp Prà San Flurin

Il schef da fabrica, D. Jann preschainta la fatschenda. Davart l'uffizi chantunal (BAB) ais uoss'avantman il permiss. Il cussagl conceda, cun vusch unanima, il permiss da fabrica.

821 860.503.04 Staziun da trafo Chavorgia
Resposta davart dals tangats; proposta per üna nouva soluziun

Davart dal rapreschantant dals vaschins in fatschenda, ais gnü tut posiziun sülla charta dal cussagl. Quels nu van d'accord culla posiziun e suottamettan üna proposta per ün nouv lö, dimena sülla parcella no. 2209 in possess da J. T., chi füss pront da vender quella resp. metter a disposiziun.

822 217.503.06 Sanaziun chasa da scoula
Abitaziun dal pedel; adattamaints ed ingrondimaint

Il vicecapo e cusglier dal dicasteri, Andri Poo, preschainta la fatschenda. In vist'al müdamaint ill'abitaziun dal nouv pedel Silvio Vital, prevezza Jon Domenig Vital da bandunar l'abitaziun illa chasa da scoula. Cun quai ch'el ha fingià alch in vista ha el dumondà da pudair bandunar quella sülla fin da lügl 2014, quai chi til ais eir gnü acconsenti davart dal cussagl da scoula.

A regard la sanaziun da l'abitaziun ha la cumischiun dal proget eir discutà ed examinà d'ingrondir quella. A. Poo preschaint'ün plan cun üna proposta chi prevezz'ün ingrondimaint da ca. 50 m2. Ils cuosts supplementars s'amuntessan a ca. fr. 200'000.00 (sper quels da la sanaziun da ca. fr. 110'000.00). Scha'l cussagl cumünal ais da l'avis da prouponer ün ingrondimaint schi gnarà preschantada la dumonda da credit a temp ütil a la radunanza.

823 DIVERSAS SCHEFS

Votaziun proget fusiun dals 6 cumüns dals 30 marz 2014 / scrutinadurs e dombravuschs
Il cussagl destinescha per dumengia, als 30 marz 2014 al chanzlist, Marco Fallet, al contabel Rico Zini ed a l'impiegada da l'administraziun Branislava Mrkonjic Reis sco eir al commember da la cumischiun sindicatoria, Domenic Augustin, sco scrutinadurs resp.

dombravuschs. Tuot la documainta da votaziun vain quel di portada a Scuol e là vain fatta la dombraziun da las vuschs.

Staziun da trafo Spinatscha

Il vicecapo, Andri Poo, orientescha in chosa. In connex culla sanaziun da la via chantunala Sent – Crusch prevezza l'Energia Engiadina da plazzar üna staziun da trafo pro la storta da Tufera be sur la via. Il terrain appartegn'al Chantun, però il cumün sto conceder il dret per construir plü dastrusch vers la via.

Il cussagl va d'accord, cun vusch unanima, da conceder quel dret.

Cumünanza d'urna / termin pella votaziun a regard il credit pella sanaziun da la chasa da soula

Il cussagl fix'il termin süls 18 da mai 2014, dimena in cumbinaziun cullas tschernas da la regenza dal Chatun.

Punct da sustegn / pumpiers Pisoc / Scuol, Sent, Ftan e Tarasp

Il cusglier dal dicasteri, Men Caviezel, preschaint'il rendaquint pro 2013. Quel prevezza üna somma da cuosts chi ha da gnir scumpartida da fr. 245'985.75. La part da nos cumün importa 21,2%, dimena fr. 52'149.00, quai invers üna somma da preventiv da fr. 60'500.00. Il cussagl fa bun la somma e tilla deliberescha cun vusch unanima.

Contrat da fittanza culla ditta Tirona SA, Scuol

Il contrat da fittanza pella halla dal corp da pumpiers sto gnir prolungà. Previs ais üna dürada dals 1. avrigl 2014 fin als 31 december 2025. Il fit annual importa fr. 38'232.00 incl. 8 % ipv. Per nos cumün significha quai seguond clav da scumpart ün import da fr. 8'105.00 l'on. Il cussagl va d'accord in fatschenda ed approva la prolungaziun da la fittanza previssa.

Pendiculara Piz Val Gronda / charta d'ün giast

Il cussagl ha tut cugnuschentscha. Il manzunà s'almaina supra la controlla mangluossa dal persunal da la pendiculara da quels skiunzs chi passan in direcziun zona da quietezza e supra las tablas massa pitschnas chi muossan via sül scumond. Quel propuona masüras plü rigurusas da puniziun per l'üna e per l'otra il plazzamaint d'üna barriera cun tablas plü bain legiblas chi muossan via sül scumond.

I vain decis da respunder cuort in muossond via sül fat, cha per quellas masüras segna l'inspectorat da chatscha respunsabel.

Sauaziun Sent

Davart l'indschegner J. Kindschi vain infuormà in scrit ch'el as vaiva contactà culla scoul'ota per tecnica da Rapperswil (institut per indrizz e tecnica da sgürezza). Ils signuors prof. J. M. ed A. G. d'eiran a Scuol ed han tut in ögl la problematica. Els s'han abinats, cha prof. J. M., da la scoul'ota suottamett'ün'offerta pella lavur d'expert per cha la problematica possa gnir scholta. Quell'offerta ais uoss'avantman e s'amunta a var. fr. 34'000.00.

Uossa füss quai da surdar l'incumbenza, però il cussagl prevezza da sclerir la fatschenda eir cul cusgliader giuridic, causa cha uossa dvainta quella delicata. I va per chattar cuolpaivels e lura pustüt per munaida e quai na per paca.

Plan da quartier Flüs / scumpart dals cuosts

Als tangats dal plan da quartier Flüs d'eira gnü protramiss il sböz dal scumpart dals cuosts, e seguond regulativ, gnü dat l'ocasiun d'invista i'ls allegats ed ev. eir d'inoltrar protestas. In basa d'üna discussiun e d'impuls d'alchüns possessurs as vaiva quai demuossà, chi'd ais pussibel da tour avant i'l sectur "via da quartier" duos adattamaints a favur dals possessurs tangats ed a charg dal cumün.

Il sböz adattà cull'indicaziun dal nouv temp d'invista e da recuors vain protramiss als tangats prosmamaing.

824

ORIENTAZIUNS

Ouvras electricas

Andri Poo infuormescha sur da la scadenza da las concessiuns da las ouvras electricas. Ils contracts d'uran amo fin dal 2050. Las ouvras nu sun actualmaing prontas da trattar culs cumüns supr'ün'eventuala prolungaziun dals contracts. Il marchà ais pel mumaint uschè nosch cha quellas nu sun in stadi d'accumplir las cundiziuns dals contracts.

Ouvras electricas d'Engiadina

Il capo, Albert Mayer ed il vicecapo, Andri Poo, vaivan fat part a la radunanza annuala a Cuaira e dan ün'orientaziun in fatschenda. Da manzunar ais, chi sun gnüdas tschernüdas trais novas persunas i'l cussagl administrativ.

Ouvra electrica Brancla

Il capo, Albert Mayer, infuormescha, cha la sezzüda previssa a regard quel proget ais gnüd'abolida. Il motiv ais, cha l'ouvra previssa nu vain a render. Davart da la ditta Axpo nu vain il proget perintant plü perseguità.

Via culturala chamonna Pforzheim

Davart dal manader dal proget, A. Gilli, ais gnü dumondà, scha'l cumün da Sent va d'accord cull'installaziun las 4 tablas previssas, seguond muostra chi's rechatt'in stanza da sezzüdas.

825

VARIA

Men Caviezel

El manzuna la via da spassegiar Plattas e Chisp. I füss bun scha quellas gnissas serradas per quel temp chi'd ais blera patocha, p.ex. cun ün crapun. El ha quai fingià discutà cul manader tecnic.

L'actuar:
Marco Fallet

Il capo:
Albert Mayer